



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.2. Quàm multa & mira ad eam in nobis conservandam operari dignatus  
sit.

[urn:nbn:de:hbz:466:1-47123](#)

possent) omnes istius argumenti imagines, nequa fortè in ipsius oculos, cum eo quod dixi valetudinis incommodo, incurreret. Denique (ut passim ex Ludolpho Carthusiano referunt) cùm quidam Dei servus, vitam degens solitariam, vehementer optaret agnoscere, quonam tandem opere aut exercitio Deo maximè placere posset, idque ut sibi manifestare vellet, instantiūs Dominum precaretur; apparuit deum quadam die oranti Christus Dominus, toto corpore confecto vulneribus nudus ac tremens, & prægrandi cruce humeros gravatus; docuitque, eā re, inter cæteras, sibi maximè placituros servos suos, si se in cruce sua bajulanda adjuvarent, assecando se in doloribus suis, eorumque singulos frequenti ac piâ meditatione usurpando.

## §. 2.

*Quād multa & mira ad eam in nobis conservandam operari dignatus sit.*

**N**eque verbis duntaxat ad id hortari dulcis Redemptor, sed multa & mira identidem operari dignatus est; quæ objecta fidelium sensibus, eos immemores dolorum ejus vivere non patentur.

Hinc enim relicta, sive in B. Veronicæ velo sanguinolenta divini vultus effigies; sive in utraque sepulchrali sindone (quarum altera Taurini, altera Veluntione, visitur) ipsius corporis Dominici, & plagarum ejus expressio. Hinc (ut nihil dicam de veri sanguinis Dominicani non uno loco adhuc asservatis reliquijs) ex imaginis Salvatoris, Berjiti à Judæis crucifixæ, aperto latere, tantâ copiâ emissus prodigiosus cruor, ut, quod testatur Romanum Martyrologium, orientales & occidentales Ecclesiæ ex eo ubertim accepterint.

*Marry.  
9. Nov.* At idem facit illa (de qua post dicam) vivifici ligni san-

sanctæ crucis, in innumera prope frusta dissecti, & in omnes ferè orbis terrarum partes dispersi, miraculi plena multiplicatio.

Ad idem, toties cœlesti prodigio efformata, atque ostensa mortalibus, ejusdem sanctæ Crucis effigies, modò in nubibus cœli conspicua, modò de cœlo ad mortales de-lata, modò in hominum membris, vestimentis, rebus alijs impressa; modò (quod in Japonia instantे persecutione, & alibi usuvénit) in dissectis arborum membris ac velut cor-de inventa. Cui affine, quod non ita pridem nostrorum ex Ibernia literis accepimus istic anno 1651. contigisse, ut dissecta ab hæreticis arbore, fonti Jesu in oppido Bellimum imposita, in singulis truncis, eorumque præcisis parti-bus, Jesu nomen impressum apparuerit, quod nec ferro nec igni potuerit aboleri.

Quid, quod integrum etiam Christi crucifixi effigiem non semel è terra prodigiosè enatam constat; ad commo-nendas commovendásve rei miraculo mortalium mentes, & ad eam, qua de agimus, passionis Christi memoriam in ijs resuscitandam?

Primum enim Vallisoleti in Hispania, in regali (ut vo-cant) S. Benedicti Monasterio visitur antiqua Christi cruci-fixi imago, vulgo dicta Crucifixus de la Cepa, quam nullo <sup>Bosius l. 24</sup> <sup>de cruce cap. 6.</sup> humana manus artificio exsculptram, sed è vitis cuiusdam radice aut caudice divinitus exortam, non modò certa tra-ditio, sed ipse etiam aspectus ostendit. Ad hæc Gandavi in <sup>Quaresm.</sup> <sup>Terra S.</sup> Belgio, in Cœnobio Monialium Ordinis S. Augustini, reli-<sup>l. 4. c. 100</sup> giosè asservatur radix liliij, Jesu crucifixi expressam effigiem <sup>3' 12.</sup> referens, à Religiosis Patribus Ordinis S. Francisci olim in agro suburbano Urbis Ierosolymæ, cum ipso suo flore, in-venta. Colitur & Trajecti ad Molam in Cœnobio itidem Monialium S. Magdalæ aliud Christi crucifixi simula-crum, nullâ pariter humano arte effictum, sed (ut habet re-

cepta traditio ) ex nuce delata Ierosolymis, & in Belgico solo plantata, mirabiliter enatum. Wratislaviæ in Silesia ad annum Domini 1284, cùm Ecclesia S. Crucis fundamenti jaciendis terra erueretur, reperta est è radice arboris enata imago Crucifixi, tantè membrorum proportione, tam exacto unguium, capillorum, aliorumque ejusmodi disermine, quasi si eximiâ sculptoris arte esset elaborata. Quam se in eadem Ecclesia sèpe vidisse atque tractasse, testatur qui hæc refert Abrahamus Bzovius in Annalibus.

*Alphon. O.  
Gall. Relat.  
de Regno  
Chile l. 1.  
cap. 23.*

Denique recentiore prodigo in Regno Chilensi, Americae regione, inventa arbor est sponte sua, hoc est nullà humana manu, sed non absque Dei singulari providentia, in crucis ac Crucifixi effigiem conformata: cuius ectypum communicarunt ac perulgârunt Societatis nostræ Patres, qui ex eo regno in Europam revenere. Arboris corpus, quâ parte ei Crucifixus adnasceatur, complanatum nonnihil, & tanquam dolatum appetet, ad exactiorem Dominicæ crucis representationem. Existit inde Crucifixus, conservata formâ spectabilis, nisi quod pars ima corporis velo seu amiculo quodam à lumbis ad pedes defluente obtegatur. Asservatur ea effigies in ejus Regni valle, dicta Limache, & magno concursu indigenarum celebratur. Alia quedam his affinia aliâ ex occasione referentur parte sequenti.

*Viet c. 13,* At verò quam suave pariter ac admirabile, quod idem Salvator, non jam res sensu expertes, sed ipsa quorundam sibi singulariter gratiosorum membra passionis sua diversis symbolis ac notis inscribi atque exornari voluerit; eosque in mortalium oculis, tanquam viventes sui imagines, & passionis sua expressos testes apparere! Quo in genere principem profectò locum tenet Seraphicus ille S. Franciscus, qui inaudito ad eam diem prodigo, sacris vulnerum Christi stigmatibus in carne sua insignitus, novus homo stupenti mundo apparuit, & velut vivam Christi crucifixi effigiem

effigiem mortaliū oculis objecit. Quod quidem sacro-  
rum stigmatū insigne alijs deinde compluribus, quanquam  
ratione dissimili, divinitū postea concessum est: potestque  
fortassis non immerito sibi gratulari minimum nostrum.  
Belgium, complura sibi istiusmodi prodigiōsi favoris ex-  
empla obtigisse. Sic enim de Beatis Lydvina & Gertrude  
ab Osten Hollandis Virginibus, tradunt apud Laurentium  
Surium, qui earum res gestas olim conscripsere. Idem tra-  
dit Ludovicus Bloisius de alia quadam sancta Virgine, reli-  
giosa Herkenrodæ juxta Hassleketum, de qua ita loquitur  
Monilis spiritualis cap: 2. *Itidem sanctissima Virgo Elisabetha de Spalbeek, ingenti devotione quotidie passionem Domini recolere consueverat. Unde & Christus stigmata quinque vulnerum suorum manibus ac pedibus & lateri ejus verissime impressi: adeo ut ex ipsis tantum recentibus plagiis copiosus sanguis plerumque efflueret, idque potissimum ferijs sextis.* Plures alias addit Arnoldus Raissius in Iuo Hierogazophylac-  
cio Belgico, & in his Beatas Brigidam Hollandam, Idam-  
Lovanientem, &c. proque singulis suis autores laudat.

Verum illud in primis amabile, quod Italæ Virginis eo  
in genere contigit; Beatae inquam Claræ de monte Falco,  
sive Claræ de Cruce: hoc enim nomine denique appellata  
est, ob singularem & prouersus insolitum erga Domini passio-  
nem affectum. Huic enim, cum cordi suo imprimi vivam  
imaginem ac memoriam passionum Christi dudum arden-  
ter expeteret, atque veluti pro gusto quodam earumdem  
passionum annos duodecim omni spirituali consolatione  
deskituta vixisset; apparuit denique cum cruce sua Salvator,  
in qua ipse diceret sitam esse summam ac compendium om-  
nis latitiae; eamque cordi ejus arcans notis ita inscripsit,  
ut nihil jam nisi de cruce aut cogitare aut loqui posset. De-  
functa cor (quod ipsa sub mortem faciendum monuerat)  
dissectum atque apertum est; atque in altera ejus parte